



Adresa: **UI.H.Čemerlića 39A**
71000 Sarajevo
<http://www.voda.ba>

tel. +387 33 726 408
fax. +387 33 726 423
e – mail: info@voda.ba

Broj: **UP-1/21-1-40-606-6/24**
Datum: **03.02.2025. godine**

«Agencija za vodno područje rijeke Save» Sarajevo rješavajući po zahtjevu dostavljenom od strane Službe za prostorno uređenje i katastar nekretnina Općine Odžak, u ime pravnog lica JP „Elektroprivreda HZ-HB“ d.d. Mostar, Distribucijsko područje Sjever, Sektor za razvoj Orašje, za donošenje rješenja o prethodnoj vodnoj saglasnosti za aktivnost – izgradnja/polaganje srednjenaponskog kabela 35kV za priključenje planirane FNE DABRA 1-3, na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH» 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Pravnom licu JP „Elektroprivreda HZ-HB“ d.d. Mostar, Distribucijsko područje Sjever, Sektor za razvoj Orašje, daje se prethodna vodna saglasnost za aktivnost – izgradnja/polaganje srednjenaponskog kabela 35 kV za priključenje planirane FNE DABRA 1-3, koja će se graditi na zemljištu označenom kao k.č. broj 1349/1 K.O. Posavska Mahala, općina Odžak.
2. Ova prethodna vodna saglasnost može se koristiti isključivo za potrebe izdavanja urbanističke saglasnosti za izgradnju/polaganje srednjenaponskog kabla 35 kV za priključenje planirane FNE DABRA 1-3 u Odžaku, i ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr..
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
 - 3.1. Da korisnik prethodne vodne saglasnosti osigura izradu tehničke dokumentacije na nivou potrebnom za pribavljanje odobrenja za građenje na osnovu koje će se vršiti izvođenje radova na izgradnji/polaganju srednjenaponskog kabla 35 kV za priključenje planirane FNE DABRA 1-3 u naselju Posavska Mahala, općina Odžak. Tehnička dokumentacija treba biti urađena od strane ovlaštenog pravnog lica i revidirana od strane drugog pravnog lica, oba sa „liste A“ Federalnog ministarstva poljoprivrede, vodoprivrede i šumarstva, a prema članu 14. stav 2. Pravilniku o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12) i treba da obradi sva pitanja definisana članom 5. stav (2) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH”, broj 31/15, 55/19, 41/20 i 63/22).
 - 3.2. Projektnom dokumentacijom detaljno definisati i prikazati način prelaska srednjenaponskog kabela 35 kV kroz kanal Jasenovica.
 - 3.3. U projektnoj dokumentaciji predmetnu trasu polaganja srednjenaponskog kabela 35 kV, odnosno kablovskog priključnog sistema, prikazati na snimljenoj situaciji odgovarajuće razmjere koja odražava trenutno stanje na terenu, te sagledati sve moguće neželjene uticaje na režim površinskih voda, objekte i postrojenje, stečena prava korisnika, postojeću infrastrukturu, naselja i sl., te dati prijedlog mjera za uklanjanje odnosno sprječavanje tih uticaja.
 - 3.4. Način ukrštanja srednjenaponskog kabela sa postojećim vodovodnim, telekomunikacijskim, elektroenergetskim i drugim instalacijama treba da se projektuje u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
 - 3.5. Projektnom dokumentacijom definisati organizaciju i tehnologiju izvođenja radova na kosinama i dnu kanala Jasenovica, te definisati mjere koje je potrebno preduzeti u toku izvođenja radova kako ne bi došlo do erozionih procesa, kao i negativnih uticaja na druge korisnike voda.

- 3.6. Pri izradi tehničke dokumentacije pridržavati se pravila struke i nauke, te zakonske regulative vezano za ovakvu vrstu radova, te ekološko-ekonomskih zahtjeva.
4. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnika o sadržaju, obliku, uslovima, načinu izdavanja i čuvanja vodnih akata).
5. Po izradi i reviziji investiciono-tehničke dokumentacije, u skladu sa uslovima iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata. Uz zahtjev se prilaže:
- 6.1. Revidovana projektna dokumentacija urađena na nivou glavnog projekta i u skladu sa uslovima iz dispozitiva ovog rješenja.
- 6.2. Rješenje o urbanističkoj saglasnosti za izgradnju predmetne trase srednjenaponskog kabela 35 kV.
- 6.3. Dokaz o izvršenoj uplati upravne pristojbe u iznosu od 60 KM.
7. Ova prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111, stav 3. Zakona o vodama.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

Obrazloženje

Pravno lice JP „Elektroprivreda HZ-HB“ d.d. Mostar, Distribucijsko područje Sjever, Sektor za razvoj Orašje je podnijelo zahtjev za donošenje rješenja o prethodnoj vodnoj saglasnosti za aktivnost – izgradnja/polaganje srednjenaponskog kabela 35 kV za priključenje planirane FNE DABRA 1-3, koja će se graditi na zemljištu označenom kao k.č. broj 1349/1 K.O. Posavska Mahala, općina Odžak.

Uz zahtjev je dostavljena i pregledana slijedeća dokumentacija:

- Ovjerena kopija Aktuelnog izvoda iz sudskog registra Općinskog suda u Mostaru, od 04.04.2024. godine;
- Ovjerena kopija Uvjerenja o registraciji poreznog obveznika, izdata od strane Porezne uprave FBiH - Kantonalni porezni ured Mostar, dana 10.06.2022. godine;
- Ovjerena kopija Zemljišnoknjižnih izvadka: K.O. Posavska Mahala, broj: 025-0-NAR-24-001915, zk uložak broj: 1, izdat od strane Zemljišnoknjižni ured Općinskog suda u Orašju, dana 09.12.2024. godine;
- Ovjerena kopija Zemljišnoknjižnih izvadka: K.O. Posavska Mahala, broj: 025-0-NAR-24-001917, zk uložak broj: 186, izdat od strane Zemljišnoknjižni ured Općinskog suda u Orašju, dana 09.12.2024. godine;
- Kopija Zemljišnoknjižnih izvadka: K.O. Posavska Mahala, broj: 025-0-NAR-24-001916, zk uložak broj: 151, izdat od strane Zemljišnoknjižni ured Općinskog suda u Orašju, dana 09.12.2024. godine;
- Kopija katastarskog plana, UR BROJ: 06-26-2-1879/2024-2 K.O. Posavska Mahala, broj plana: 8, dana 10.07.2024. godine;
- Kopija izvoda iz posjedovnog lista broj 189, broj: 05-26-1-1885/24-2 dana 10.07.2024. godine;
- Kopija izvoda iz posjedovnog lista broj 189, broj: 05-26-1-1886/24-2 dana 10.07.2024. godine;
- Kopija izvoda iz posjedovnog lista broj 189, broj: 05-26-1-1887/24-2 dana 10.07.2024. godine;
- Kopija izvoda iz posjedovnog lista broj 189, broj: 05-26-1-1888/24-2 dana 10.07.2024. godine;
- Kopija Očitovanja o mogućnosti gradnje Foto-naponskih ćelija u Posavskoj Mahali općina Odžak, na zemljištu označenom kao k.č. broj 811, 812, 814/1 i 814/2 za K.O. Posavska Mahala;
- Ovjerena kopija Ugovora o najmu zemljišta sklopljenog između Davor Terzić iz Odžaka (najmodavac) i DATESOL d.o.o., Posavska Mahala bb, Odžak (najmoprimac), dana 12.09.2022. godine;

- Studija za izdavanja Prethodne vodne saglasnosti za izgradnju srednjenaponskog kabela 35 kV za priključenje FNE DABRA 1-3, urađene od strane „TALWEG“ d.o.o. Tuzla, novembar 2024. godine;
- Dokaz o uplati upravne pristojbe.

U skladu sa članom 124. stav (1) Zakona o vodama i člana 5. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 63/22), o zahtjevu je dana 26.12.2024. godine obavještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnim novinama „Oslobođenje“. U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je sljedeće:

U cilju obezbjeđenja priključenja FNE DABRA 1-3, koja će se graditi u K.O. Posavska Mahala, općina Odžak, predviđena je izgradnja trase srednjenaponskog i optičkog kabela.

Trasa podzemnog kabla prolazi ispod lokalnog puta na parcelama označenim kao k.č. broj 1358 i 1359/1 K.O. Posavska Mahala, a zatim prati put. Predviđeno je polaganje kabla u južnu bankinu, odnosno pojas puta. Pred kraj trase kablovski vod je neophodno ukrstiti sa kanalom Jasenovica, a zatim uvesti u rasklopnicu u krugu FNE koja će se graditi na zemljištu označenom kao k.č. broj 814/1 K.O. Posavska Mahala.

Od tačke c26 do tačke c33 trasa će se ukrštati sa kanalom Jasenovica. Kanal Jasenovica u Odžaku ima značajnu ulogu u odvodnji površinskih voda i regulaciji vodnog režima u tom području. Kanal je dio šire hidrografske mreže koja uključuje rijeke Bosnu i Savu.

Kanal Jasenovica ima širinu od oko 1.3 m u dnu, sa kosinama dužine 4 m i ukupne dubine oko 1.5 m. Kanal je trapeznog oblika i prolazi paralelno uz saobraćajnicu kroz Posavsku Mahalu, te graniči sa parcelom na kojoj će se graditi FNE. Trasa kablova u zoni ukrštanja sa kanalom Jasenovica vodit će se kroz prethodno ugrađenu zaštitnu čeličnu kolonu adekvatnog prečnika za naknadno provlačenje energetskih i komunikacijskih kablova.

Nakon uvida u raspoloživu dokumentaciju, konstatirano je da sa aspekta sektora voda i priložene dokumentacije ne postoje smetnje da se podnosiocu zahtjeva izda prethodna vodna saglasnost uz propisane uslove, pa je riješeno kao u dispozitivu rješenja.

Na osnovu prednjeg i provedenog postupka, a shodno članu 111. Zakona o vodama («Službene novine Federacije BiH», broj 70/06) i člana 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) doneseno je rješenje kao u dispozitivu.

Podnosilac zahtjeva je uplatio upravnu pristojbu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje vodnih
akata



Nihad Pezo, dipl.inž.građ.

Dostaviti:

- JP „Elektroprivreda HZ-HB“ d.d. Mostar, Distribucijsko područje Sjever, Sektor za razvoj Orašje, 17. ulica bb, 76270 Orašje (Prilog: 3 primjerka Studije za izdavanja Prethodne vodne saglasnosti za izgradnju srednjenaponskog kabela 35 kV za priključenje FNE DABRA 1-3, urađene od strane „TALWEG“ d.o.o. Tuzla, novembar 2024. godine)
- Služba za prostorno uređenje i katastar nekretnina, Trg Bosne i Hercegovine, 76290 Odžak
- AVP Sava, ISV, Vodna knjiga,
- Sektor 40, arhiva,
- Oglasna ploča